

TXIAKO Txiako Iokanatsopatakiti

¹ Nota Txiako. Teoso nitiri nitxaua. Apiananiri Xesosi Kristo nitiri nitxaua apaka. Niõkatsopataria ia aãtsopa hitemoni, Xoteoakori tosi nirimanetximoni Xesosi sãkire auiaãkanimoni. Hite iarikape ikinika itixiti.

Ereẽkai hite.

Auiãkori Ataerekatiko

² Nitariakori, ikini sereti maerekati apokasaaki hitemoni, hienenĩkako, kotxi ikara ataerekatai hite. ³ Kotxi himarotari hãuiãkiti ataerekatikosaaki, hĩtaparaxinireritika hãua. Himiteenekari imakinika himisiritiko hĩpoxokoniritika. ⁴ Ininiã imakinika himiteenekasaaki, hĩxinikakiti, hĩsãkire, hĩkamakiti pakini erekari. Kona apikomoni pinireka ereka pinini ĩkapani.

⁵ Himarore mauakanisaaki, hamanaãri Teoso imarore isikinii ĩkapani. Ininiã isikaiko hite hamanaãkiti. Itori Teoso sikakiti ikinimanemoni. !Isãpaka ate ãtipirika aamanainiri iua. !Itxitai. Isikapitikari hamanaãkiti.

⁶ Hamanaãkasaakiri, hãuikariko Teoso sikinii hamanaãkiti. !Erekari hĩxinikiniri: "Atxiĩti iua sikano namanaãkiti. Atxiĩti kona isikano namanaãkiti." Ikara atoko !hĩxinikape. Ikara atoko xinikakari, tsakati potxoari uinitikiri atoko itxa. Ītima anikari tsakati itano, eereka ixitika. Kãkiti ikara atoko inakari, ãti õti auikari Teoso sãkire, ãti õti kona auikari Teoso sãkire. Itxaãpota. ⁷ Kãkiti ikara atoko inakari kona xatiki apakapari Apiananiri siãkiti, ⁸ kotxi ipi ixinikakiti aua, ininiã apanakini !auikari isãkire ikamakiti tĩkane.

Matiiti, Katiiri Pakini Poxokoniuatini

⁹ Pite aĩtari Teoso sãkire auiãkarii, atxiĩti poiãori pitxaua, iuaritika pipoxokoniuatoko, kotxi Teoso txĩkitakai pite apiari pininiua. ¹⁰ Pite katiiriii, pipoxokoniuatoko, kotxi Teoso kamapoiãotakai pite, kotxi katimari pixipokini aãui katimari xipokini atoko. ¹¹ Atokatxi kanĩkasaaki, kapatakari itxaua. Iuasaaki katsotati txiaroka. Iuii katxaka. !Erekaikaro. Iua atokokana kãkiti katiiri xipokini. Paĩtiki ipinako, ininiã itakanapariko imakinika itii, iparĩka pakini.

Misirikaretxi Mĩteenekakani

¹² Teoso takari erekari kãkitimoni imisiritiko mĩteenekakarimoni, Teoso sãkire matakanapakatimoni. Ikinipoko imĩteenekasaaki, Teoso txĩkitakari iua aĩtipirika auini Teosokata. Apiananiri sikaenetari ikara iua tiretakanimoni.

¹³ Pinirekasaakiri maerekati pikamini, kona pitxapiri: “Teoso sikanireõtano maerekati nikamini,” kotxi Teoso kamanireõtiko maerekati ikamini ikapani !auari. Apaka kona Teoso sikanireõtari kãkiti maerekati ikamini ikapani. ¹⁴ Kãkiti sikanireõtaãka maerekati ikamini, kotxi iua ĩto nireẽkiti kosekari iua maerekati ikamini. Iuasaaki iteene inirekari inireẽkiti ikamini. ¹⁵ Maerekati piĩto nireẽkiti pikamakasaaki, maerekati itxaua. Ininiã eereka maerekati pikamapika. Eereka iua maerekati txĩkitakari pixinire ipinini.

¹⁶ Nitariakori nota tiretakini, kona hãuiritapiri aĩti misirienetiiii. ¹⁷ Ikinipoko sikakori erekari atão inakari, jaxitikiri itxaua. Aĩri sikakiti ikara. Iuara kamari atokatxi, kasiri, iõriki pakini ponikini. Iua aĩtipirika kamari erekarinoka. Kita, uatxa, katana pakini, iua atokotxikana aĩri Teoso. ¹⁸ Aponaniã iuaĩkana aãkixinireẽ, kotxi aãuikari iua sãkire. Iua nirekari aponaniini ikara atoko. Teoso kamari ikinipoko. Ikamakini, merepanika iuaĩkana ponaniãkani, atxaua ate.

Teoso Sākire Kīpitiko Pirena

¹⁹ Ininiã nitariakori nota tiretakini, iteene himixinikariko āti sākire. Eereka iteene hīxinikariko hīkenakotakiti, hīsākirauatini apisapanika. Katima !hītẓape hinaiatiniua. Hinaiatiniua apisa hīxinikariko hīkamakiti tīkane, ²⁰ kotxi kākiti omanākarauatakasaaki, !ikamari atāo inakari Teoso paniātakiti iaōka. ²¹ Ininiã hōkariko ikinika maerekati hākixinire txikotakari. Hītakanapariko ikinipoko maerekati. Hāuikariko Teoso sākire hākixinireē takakori. Himarotariko iuanoka makatxakiniri himaerekani.

²² Teoso sākire akenakotakanani atxa, !hītẓape. Hīkamariko isākire iaōka apaka. Teoso sākire kenakotakani makamakaniāri ipaniātakiti, ninoaka misiriene-taua. ²³ Teoso sākire kenakotakari makamakaniāri isākire iaōka, kiki ātakaāriã atamatoōtakari atoko itxa. ²⁴ Iua itoō atamataka atoko, isa. Iuusaakipeka imaxinīkaretoōtapekaua. Isanōka !ixinikaika. ²⁵ Ikinika Teoso paniātakiti erekari. Maerekati kamakani iaxirikakoni atoko. !Iposotarina erekari ikaminina. Ininiã kākiti kamakasaakiri Teoso paniātakiti, Teoso paniātakiti sikakari kākiti erekari ikamini iċapani. Kākiti iteene imarotiniāri Teoso paniātakiti, imamaxinīkaretakaniāri, ātipirika ikaminiāri, ininiã Teoso takari erekari iuamoni, ikamakitimoni.

²⁶ Kākiti sāpiretiniāri: “Nota auikari Teoso sākire. Nikamari iua sākire iaōka,” txamari kākiti nini iauīte atoko itxa. !Iposotari iotokakiniri maerekati isāpiretini. Iuaka misirienetaua. Iua auīākiti na atāo. Ikamakiti na atāo apaka. ²⁷ Kākiti auīākiti atāo inakari auakasaaki, ikamakiti atāo inakari auakasaaki, aīri Teoso apokaerekatari. Iua kākiti kamari ia atoko: Itiretana imenōkariakori, tikinitakoni pakini, kotxi mauareni ninoa. !Auiritari iċkorapokoriti maerekati txikotiniri iua ākixinire.

2

Hïpaxitana Ikini Käkiti

¹ Nïtariakori, Xesosi Kristo aãuïte Apiananiri itxaua. Iua sãkire atão auïãkani hininiãua, ininiã hïpaxitariko ikinimane kãkiti. !Apakata hïpotxitakininani hïtiretini. ² Maxinikariko. Atxiïti hãpotiitakasaakiua, kiki apoka eremãkari. Iuakokiã aneo oro kamakoro aua. Apaka iuasaaki apoka ãti kiki matiiti. Kitxakari imãka. ³ !Apakata hïpaxitiniri eremãkarinoka. Hïsãpiretiniãri: “Uai iitopanaxi ereri nopini piitopãka,” pitxari. Txamari hïsãpiretari matiiti: “Ikiraã pitima.” Atxiïti hïsãpiretari iua: “Uai ixiti nikiti takote piitopãka,” pitxari. Ikara atoko hïkaminiã, !apakata. ⁴ Ikara atoko hïkamakasaaki, hïxinikari katiiri apiaerekatini, matiiti poião ereka inini. Iuasaaki hïxiniãkiti na atão itxaua. Hãkixinire maerekati itxaua.

⁵ Nïtariakori nota tirketakini, hïkenakotariko nisãkire. Teoso mereëpekari matiini ïkorapokoriti auakani isãkire iteene auikinina ïkapani. Ininiã ninoa Teoso tirketakani sariko Teoso auïtetxi ininiãtaãua. Ikara isikaenetapeka iua tirketanimoni. ⁶ Txamari hïte kona paxitana matiini. !Apakata. Katiirinira misirienetai hïte. Ninoa anikai hïte kãkiti misiritiko mereëkanimoni. ⁷ Ninoa katiirini misãkirepiretari Teoso. Peerekari iua uãka, iuaritika ninoa kona paxitari iuãka. Ninoa misãkirepiretakiti nakitiakori hïtxaua hïte.

⁸ Kitxakapirïka Teoso sãkire iökatsopatakori txari: Piteka pitiretiniua atokokanera, pitiretanako pite takote auakani.

Ikara ikinimane auïte paniãtakiti hïkaminiã, hïkamari atão inakari. ⁹ Hïtiretiniãri hïpotxitakininani, maerekati hïkama. Ikara Teoso paniãtakiti oerekai maerekati kamakani hininiãua. ¹⁰ Ikinika Teoso paniãtakiti hïkaminiã, txamari ãtinoka Teoso paniãtakiti himakamakaniã, ininiã

ikinika ipaniãtakiti makamakani atoko hĩtxaua. ¹¹ Teoso txari:

Kona pisirĩkape pĩtanoro minakotokatika.

Apaka itxari:

Kona pokaniuatape.

Atxiĩti kona pisirĩka pĩtanoro minakotokatika, txamari pokaniuata, ininiãkara !pikamari ikinika Teoso paniãtakiti. ãtika Teoso paniãtakiti pimakamakaniã, !apakata. Ikara atoko ininiã, Teosomoni maerekati kamakari pitxaua.

¹² Teoso sãkire iaõka akaminiã, aposotari erekari akamini. Õpoĩkakoni atoko atxaua. Maerekati ! imaĩkaikaua. Ininiãkara atão hĩsãkirauatako. Atão inakari hĩkamako, kotxi Teoso kamariko hĩtemoni isãkire iaõka. ¹³ Himaamonĩkakaniãri ãti, Teoso kona amonĩkai hĩte. Imereẽri himisiritiko. Apiaerekata hiamonĩkiniri ãti, maerekati ikamakasaaki. Poião erekari himisiritiniri iua imaerekani xika.

Kãkiti Sãkire, Kãkiti Kamakiti Pakini Pirena

¹⁴ Nitariakori, kãkiti txari: “Nota Teoso sãkire auĩãkari nitxaua,” itxamari, !ikamari Teoso nirekaãkiti. Atauako iua auikari Teoso sãkire? Atauako, iua sãkire posotari imaktxakiniri imaerekani Teosomoni isini ĩkapani? Konapitini. ¹⁵ Atxiĩti hĩtari, atxiĩti hĩtaro Teoso sãkire auĩãkani imãkana !auari. Atxiĩti nipokori !auari ni-noamoni. ¹⁶ Iuusaaki atxiĩti hĩtxana: “Hĩsipiniikaua, erekaxinire hinini. Kamãkaiko. Iteene hinikako,” hĩtxana atxiĩti. Txamari iuusaaki mãkatxi !hĩsikana, nipokori !hĩsikana. Ikara atoko hĩkaminiã, !apakata hĩkamakiti. Hĩsãkirenanira hĩsikiniã, ininiã maxikatĩka hĩsãpiretakiti. ¹⁷ Atxiĩti ikara atoko atxa. Asãpiretari aũuikiniri Xesosi sãkire. Txamari kona akamari ipaniãtakiti. Ikara atoko aniniã, asãkire kona itxa. Aũuĩãkiti sãkiretxiti ipinakari atoko itxa. !Kakamareri iua.

¹⁸ Kākiti atxiīti txari: “Pite auikari Teoso sākire. Nota parīkauata Teoso īkapani.” Piposotari atxiīti poerekinino pauīākiti, Teoso paniātakiti pimakamakanisaaki? Kona piposota, kotxi atão pauīākiti !auari. Notapekana, nota posotari noerekiniri nisākire nauīākiti nikamakitiā Teoso paniātakiti nikamakasaaki. Ikara atoko nininiā, kākiti imarotapitikari atão nauikiniri Xesosi sākire. ¹⁹ Pite auikari ātinani Teoso auini. Ininiā erekapitikari pauikakiti. Txamari ikara !imakatxakari pimaerekani Teosomoni pisini īkapani, kotxi Satanasi nitiriakori apaka auikari ātinani Teoso auini. Iua xika ninoa titinanaka ipīkarauatiniāna. Ninoa imarotari āti ōti ixipokinina.

²⁰ !Kiikitei pite. Pinirekatari noerekinii !apakata pisākireē pauikiniri Xesosi sākire, iua paniātakiti iaōka pimakamakanisaaki. Iuasaaki pisākire na atão. Ipīkari atoko itxa. ²¹ Maxinikariko ate apika atokirini, Apraão. Kitxakapirīka isikasaakiri amarite Isaki inakori Teosomoni sikakori takikoātaā, iuasaaki Teoso apokaerekatari ikamakiti, kotxi ikamakiti oerekari Teoso, iua auikiniri isākire, ininiā Teoso kamaerekatari iua. ²² Ininiā himarotari atão iua auikiniri Teoso sākire. Ikamakiti oerekari isākire atão inini. Hīxinikari iua. Atão ikamari Teoso paniātakiti, ininiā atão iua auikari Teoso sākire. ²³ Ininiā Teoso sākire iōkatsopatakori apokapeka. Itxari:

Apraão auikari Teoso sākire, ininiā Teoso txīkitakari iua atão inakari ikamini, Teoso apakapiniri īkapani.

Ininiā iua akiritaāka Teoso moianari. ²⁴ Ininiākara ia himarota. Teoso kamaerekatari kākiti ākixinire isākire iaōka ikamakasaaki. Kona Teoso kamaerekatari kākiti ākixinire, isākirenoka auakasaaki. Inirekari atamatiniiri kākiti parīka apaka.

²⁵ Āto atão Teoso sākire auīākaro nisāpiretai hīte. Kitxakapirīka kanokarero Haapi inakoro aua. Teoso kamaerekatari oa ākixinire, kotxi oa apakapana Xosoe

iokanatakini otixine apokasaakina. Oaãpoko okipatana ninoa. Iuasaaki oa oerekana ãti kimaporiti imitekinina ïkapani.

²⁶ Kãkiti ïtoã ixinire mauakanisaaki, iua ipĩpe. Iua ! kakamareri. Ininiã iua atokokana iua sãkire iua auiãkiti ipinakari atoko, erekari imakamakanisaaki. Iua auiãkiti-nani, isãkirenani, !imakatxakari imaerekani.

3

Kãkiti Nini Pirena

¹ Nitariakori, ! apakata itori hĩte Teoso sãkire oerekakani hininiu, kotxi ate Teoso sãkire oerekakani maerekati akamakasaaki, apiata Teoso misiritaua ate.

² Amakinika ate kerokapanikari. Kãkiti makerokakaniãri isãkire, ininiã erekari iua. ! Auiritari iito kaminiri maerekati.

³ Anirekasaakiri kavaro kĩpitiniri anireẽkiti, atakari inamaã metaoke ipiriãketakari. Ininiã iuasaaki ikamariko anireẽkiti. Ia metaoke axapitikeri, iuaritika aposotari akakiriokiniri kavaro, ininiã isari anirekinimoni.

⁴ Apaka hĩxinikaroko maporo. Maporo mitaro. Ïtima kataparari anikaro. Maporo oerekakire axapitiki, iuaritika kãkiti kakiriokaro maporo oerekakireẽ, ininiã maporo sari kãkiti nirekinimoni.

⁵ Iua atokokana, aĩtoã auakari anini apaka axapitiki, iuaritika iposotari iteene maerekati ikamini. Hĩxinikariko. Xaminaminiki axapitiki, iuaritika iposotari iotikiniri itori kikio. ⁶ Iua atokokana ninitxi. Xamina tirinakari atoko itxa, ininiã kona erekari. Maerekati ninitxi sãpiretakiti. Iarika kãkiti xinireẽ ikinika, xamina ïtopa iarikini atoko. Ininiã iua maerekatinoka itxa, ininiã ikinipoko ikamakiti maerekatinoka. Maerekani misiritikoãtaã ïkari itxa asãkire maerekati. Xamina tirinakari iuaãtaãkiri atoko itxa asãkire maerekati.

⁷ Kākiti piratari ikini sereti kaxipiri itopakiri, kotipiriki, imini, iaã auakari pakini. Itori kākiti piratapeka. ⁸ Txamari ninitxi paneenamari. Kākiti ! iposotari imikapiritiniri inini. Kona ikamari anireēkiti. Imini katsiiri atoko itxa. Imini tsii posotari okiniri kākiti. Iua atokokana, kākiti sãpiretakiti posotari okiniri kākiti.

⁹ Anini posotari isãpiretiniri erekari aĩri aãuĩtemoni. Apaka iposotari maerekati isãpiretini kãkitimoni. Īkora atoko !erekari, kotxi Teoso kamari kākiti iuaka atoko inakari ĩkapani. ¹⁰ Anamaã potorika erekari, maerekati pakini. Nitariakori, ia koketakori na atão. !Apakata. ¹¹ Amomo !oposotari ãparaã ponikoãri, posiãri pakini otxikitakini. ¹² Nitariakori, atauako mãka mina iritari iõpeta? Atauako iõpeta mina iritari mãka? Konapitini. Apaka amomo ãparaã ponikoãri !auari ãparaã maxiãri pakini. Iua atokokana kākiti sãkire. !Apakata kākiti ãti õti isãkire ereka inini, ãti õti isãkire maerekati inini.

Imaroretxi Pirena

¹³ Kiripa kimaroreri hĩte sauaki auakari? Kākiti atão kimaroreri inakari, oerekari imarore ikamakiti erekari ikamakasaaki. Erekari ikamakasaaki, !iukaua, kotxi atão imaroretxi auiniã kãkitimoni, !auiritari iua iuikiniua. ¹⁴ Txamari pinĩkatiniãri xikoretxi papixiri pãkixinireẽ, piteka nireēkitinani pinirekiniã pãkixinireẽ, kona pitxape: “Kimaroreno nota.” Iuasaaki kona pikipat-
apiri atão inakari. ¹⁵ Īkora pimarore !iaxitikirini. Īko-
rapokoritikirinokara ikara pimarore. Ikara pimarore pĩto
nireēkitikara. Imaroretxi ikara atoko inakari Satanas
oerekakiti. ¹⁶ Xikoretxi auakasaaki, piteka nireēkitinani
pinirekini auakasaaki, ikara atoko inakasaaki, neena-
matxinoka aua, ikini sereti maerekati aua apaka.

¹⁷ Imaroretxi iaxiti ĩkari kona ikara atokoni itxa. Iua imaroretxi imarotakari, erekarinoka ikama. !Inirekari

neenamtxi. Merepitipanika ixinikari apanakini kāk-
iti nireēkiti. Apiananiri nireēkiti ikama. Iamonīkari
āti. Erekarinoka ikama ātimoni. Apiarimoni isākire
atoktxikana isākire poiāorimoni. Ikamakiti isākire iaōka
itxa. ¹⁸ Kauaīreri ōtākikari apanakini imaneenamau-
atakani, ininiākara itori kākiti kamari atāo inakarinoka.

4

Īkorapokoriti Auakani Nireēkiti !Hinirekape

¹ Neenamtxi auakasaaki hītemoni, hītxitakakasaak-
iua, nāpa ikara atoko inakari potorika? Hākixinireē
ipotorika neenamtxi. Hinireēkiti maerekati xika hi-
neenamauata. ² Hinireēkiti kona hāpakapa, ininiā hōkari
āti. Iteene hinirekari āti nakiti, txamari !hāpakapari
hinireēkiti. Hītxitakakaua. Hineenamauata. Txamari
kona hāpakapari hinireēkiti. Kona hamanaāri Teoso
hinireēkiti hāpakapini ikapani. Ikara xika kona hāpaka-
pari hinireēkiti. ³ Atxiīti Teoso hamanaākasaaki, kona hā-
pakapari hinirekakiti, kotxi hamanaākasaaki, maerekati
hīxinikapanika. Hinirekari hāpakapiniri hamanaākiti hī-
tenani ikapani, hītenoka poxokoniuatini ikapani. Ikara
xika Teoso lisikai hinireēkiti.

⁴ Kanokarero, kanokareri pakini atoko hītchaua. Hīte
takanapari Teoso, ĩkorapokoriti auakaninoka hītiretini
ikapani. Hītiretiniāri ĩkorapokoritinoka, iusaaki
homanatari Teoso. Hinirekiniāri ĩkorapokoriti auakani
nireēkiti, ininiā Teoso mokajakari hītchaua. ⁵ Kona
maxikatiika Teoso sākire iōkatsopatakori sāpiretaua
ia atoko inakari:

Erekari Matamatakoti aākixinireē auakari nirekari
iteene anirekiniri Teoso turetiniua. Iua !inirekari
anirekiniri ĩkorapokoriti auakaninoka turetiniua.

⁶ Teoso sikari iteene erekari atemoni, kotxi Teoso sākire
iōkatsopatakori txari:

Teoso !apokaerekatari kākiti iuikakaniua. !Imoianatana ninoa. Kākiti miuikakaniua, ikinipoko erekari isika ninoamoni.

⁷ Ininiā hāuiritariko Teoso hāuīte ininiua. Iua nireēkitinoka hīkamako. Kona hīkamapiri Satanasi nireēkiti. Kona hīkīpitapiri iua sākire, ininiā eereka iua miteka. ⁸ Teosomoni hāpokako, ininiā iua apoka hītemoni. Maerekati kamakani hininiāua, hītakanapariko himaerekani. Kona hāuiritapiri hūuako kaminiri maerekati. Hītepekana, hīte sākire ipinimoni itxa. Hākixinire xinikakiti ipinimoni itxa. Ininiākara hīokanatariko maerekati hākixinire auakari, erekarinoka kaikotini īkapani. ⁹ Himatinaniuatako, hītxiapatako iteene, maerekati hīkamakiti xika. Hītakanapariko hīsiroatini hītxiapatini īkapani. Hītakanapariko hīpoxokoniuatini himatinaniuatini īkapani. Ikara atoko hīkamako, maerekati hīkamakiti xika. ¹⁰ Apiananirimoni hītxariko: “Nimaerekani xika !erekano nota. Minakati nitxaua. !Niposotari erekari nikamini. Piamonīkano,” hītxariko Teoso. Eereka iua sikataparaxiniretai hīte.

!Himisākirepiretapiri Hītari

¹¹ Nitariakori, !himisākirepiretakapeua. Āti misākirepiretiniāri āti, kona ipaxitari Teoso paniātakiti. Āti akiritiniāri āti: “Maerekati kamakarii,” akiritari Teoso paniātakiti: “maerekati.” Ikara atoko inakasaaki, iuamoni iuaka sākire apiata, ininiā iua !ikamari Teoso paniātakiti iaōka. ¹² Teosonokara atāo inakari imarotakari aua. Iuanoka posotari isāpiretiniri kākiti: “Pite kamakiti kona erekari. Pitepekana kamakiti erekari.” Iuanoka posotari ikara atoko ininii, kotxi iuanoka posotari kākiti maerekani imaktxakini. Iuanoka posotari iokanatiniri kākiti imisiritikomoni. !Apakata ikara atoko hīte ininiri apanakini.

Katana Kamaenetakori

¹³ Atxiïti hïte txari: “Atxiïti uatxa, atxiïti katana asa sitatximoni. Anapariko ãtikanani iuaãtaã. Aparïkauata itomane txineiro aãpakapini ïkapani,” hïtxama. ¹⁴ Txamari kona himarotari katana auakari tïkane. Kanatokopa itxa kãkiti? Ianiï atoko itxa kãkiti. Ianiï apoka, eereka patimari ixipokini. Ikara atoko kãkiti auini. ¹⁵ Apiaerekata hïsäkire ia atoko hinini: “Teoso nirekiniãri, nauapanika ninakasaaki, nikamariko ikara parïkatxi,” hïtxako. ¹⁶ Ikara atoko himasãkirauatakaniã, hïuikaua, kotxi hïuikari hïkamakiti tïkane. Maerekati ikara atoko inakari. ¹⁷ Ininiã erepaniko. Kãkiti erekari imarotakani makamakaniãri ikara erekari imarotakiti, ikamari maerekati.

5

Katiiri Pirena

¹ Hïkenakotariko nisãkire. Ikinika katiirini kapotxinanirini hïkenakotariko nisãkire. Hïtxiapatako. Hãkiripoatako, kotxi itori hãtatsiire apokako hïtemoni. ² Hïtii paiakapeka. Kapite nikapekari himãka. ³ Hinakiti oro kamakori, pirata kamakori pakini oereëkatapeka. Ikara oerekari hïkamakiti !apakata. Hïtii xipokini atoko, hïte apaka xipokako. Apiata himisiritiko. Maxikatiïka hãpotiitari hïtii, kotxi itixi xipokini õti apokanapanoka. ⁴ Himarotariko ia. Kãkiti hïte kikioteë parïkauatakasaaki, himisirienetana ninoa. Na atão hïikitxitana iparïkana ïki. Ininiã ninoa akiritari Teoso. Iuasaaki Apiananiri kaposotiireri kenakotari ninoa säkire. ⁵ ïkorapokoriti hãuakasaaki, ikinipoko aua hïtemoni. Hiamotari ikinika hïito potxitakiti. Kãkiti sikari kema auïte ito kienatxi, okiko õti manapi païperi inini ïkapani. ⁶ Hïte iokanatapekari kãkiti erekarini ipininimoni. Hõkapekana ninoa maxikatiïka. Ninoani kona naiatai hïte, iuaritika hõkana ninoani.

Apiananiri Kanapiriini Hiãtapini

⁷ Nitariakori, atxiïti hîtemoni !katimari Apiananiri kanapiriini, iuaritika hiâtapariko hîpoxokoniritika, kotxi himarotapitikari âti ôti iua kanapiriini. Hîxinikariko katakareri. Iua iâtapapikari itakare aneini, ikiena iposope inikini îkapani. Iâtapari âparaã kipini itakare aneini îkapani. Iua imarotapitikari ikiena aneini, ininiã iâtapari. ⁸ Iua atokokana hiâtapariko Apiananiri kanapiriini. Hîtaparaxinireritika hiâtapari, kotxi Xesosi kaiaampeka ikanapiriini. ⁹ Nitariakori, kona hîtxitakakapeua. Hîxtitakakiniãua, hâpakapariko himisiritiko. Kâkiti misiritiko mereëkari kaiaampeka apokini hîtemoni.

¹⁰ Nitariakori, hîxinikariko Teoso sâkire sâpiretakani, kitxakapirîka auakani, sâpiretari Teoso sâkire Teoso posotiireë. Ninoa misiritaãka, iuaritika ninoa mîteenekari imakinika. Ninoa oerekaua amîteenekiniri imakinika. ¹¹ Ari, aimarotari Teoso takari erekari misirikaretxi mîteeneëkanimoni. Hîxinikari Xo inakori. Iua iteene atatsiirauata, iuaritika, !itapanapari Teoso. Atatsiirauataka atoko, Apiananiri sikari ikini sereti erekari iuamoni, kotxi katiraõkiri, kaamonîkareri itxaua iua.

¹² Nitariakori, “Ari,” hinakasaaki, “Kona,” hinakasaaki, kona maxikatîika hîsâkirauatape. Hîkamariko hîsâpiretakiti iaõka. Hîkamaenetakiti hîsâpiretakasaaki, kona hâkiritapiri Teoso tixine auakani uãka, kona hâkiritapiri itixi auakani uãka, hîsâpiretakiti apanakini atão imarotini îkapani. Na atão hîsâkire ininiã, Teoso misiritapitikai.

Teoso Misâkiretiko Kâkiti Îkapani

¹³ Hâtatsiirauatakasaaki, himisâkiretariko Teoso. Hîpoxokiniuatakasaaki, hîxikarauata Teoso îkapani. ¹⁴ Âti amianatakasaaki, hîpîkapiretanako kôtâkikarerini Xesosi sâkire auiãkani Teoso imisâkiretinina amianatakari îkapani. Iuasaaki itakarina iîtxi iua amianatakari nopini Apiananiri uãkaã. ¹⁵ Hâuikiniãri Teoso posotiire

himisākiretakasaakiri Teoso, iua makananitapitikari iua amianatakari. Ininiã Apiananiri ōkitikariko iua. Maerekati ikaminiã, Teoso makatxakari imaerekani apaka. ¹⁶ Ininiã hīkerokakiti hīsāpiretakakauako. Himisākiretariko Teoso āti ĩkapani. Ininiã apanakini misākiretariko Teoso hīte ĩkapani. Iua atokokana, Teoso txīkitakari hākixinire ereka inini. Atāo inakarinoka kamakari sākire kataparari, Teosokata isākirauatakasaaki, kotxi Teoso kamapitikari iua amanaākiti iaōka.

¹⁷ Kitxakapirīka Eríasi inakori, ate atoko inakari iua. Iua misākiretari Teoso itapararitika āparaã makipakani ĩkapani. Ikara atoko inakasaaki, āparaã !ikipa ipi āti pakini anokanani, seisi kasiriti. ¹⁸ Iuaīkana imisākiretari Teoso āparaã iuaīkana ikipini ĩkapani. Ininiã āparaã kipa. Iuaīkana itixi iriuata.

¹⁹ Nitariakori, āti takanapiniāri atāo inakari Teoso sākire, hōtākikariko iua Teosomoni ikanapiriini ĩkapani. ²⁰ Maerekati kamakari takanapiniāri imaerekani, iua pōtākikasaaki, ininiã pite makatxakapekari iua ipinini. Teoso makatxakari ikinipoko maerekati ikamakiti.

Teoso sãkire ameneri
New Testament in Apurinã (BR:apu:Apurinã)

copyright © 2004 Wycliffe Bible Translators, Inc.

Language: Apurinã

Translation by: Wycliffe Bible Translators, Inc.

Copyright Information

© 2004, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Apurinã

© 2004, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21
